

**Delegat Mehmed Bradarić** postavio je sljedeće pitanje Vijeću ministara BiH, Ministarstvu civilnih poslova BiH i Ministarstvu prometa i komunikacija BiH.

1. „Usvojen je Zakon o zaštiti ličnih podataka. Ipak, hiljade građana BiH vrebaju opasnost od krađe identiteta jer su njihovi matični brojevi dostupni svima na oficijelnim veb-stranicama niza javnih institucija koje bi trebalo da znaju da time krše zakon. Pitam Agenciju za zaštitu ličnih podataka može li se ovome stati u kraj i da li su se stekli uslovi da se prekršiocima zakona počnu kažnjavati?
2. Kemal Huseinović prije četiri godine imenovan je za direktora RAK-a, ali nikada od Vijeća ministara BiH nije dobio rješenje o imenovanju jer nisu dali saglasnost na njegovo imenovanje. Procedura je provedena od Vijeća RAK-a, ono je Vijeću ministara dostavilo jednoglasan prijedlog za imenovanje Kemala Huseinovića za generalnog direktora, jer je jedini ispunjavao zakonom propisane uslove. Vijeće RAK-a se 2008. godine obratilo Vijeću ministara BiH i Parlamentarnoj skupštini BiH zbog tumačenja takvog stava ali nikada nije dobio odgovor. Pitam Vijeće ministara BiH zašto nije postupilo po zakonu i kakav je danas njihov stav u vezi s ovim problemom?“